



ქალაქ ფოთის მუნიციპალიტეტის საკრებულო

განკარგულება № 19/74

2020 წლის 25 ნოემბერი

ქალაქი ფოთი

ქალაქ ფოთის მუნიციპალიტეტის საკრებულოს დადგენილების პროექტის „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის მერისთვის შენიშვნებით დაბრუნების თაობაზე

საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 91-ე მუხლის, მე-4 პუნქტისა და საქართველოს საბიუჯეტო კოდექსის 78-ე მუხლის მე-3 პუნქტის შესაბამისად, ბიუჯეტის პროექტთან დაკავშირებით შენიშვნების არსებობის შემთხვევაში საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მუნიციპალიტეტის მერს.

ქალაქ ფოთის მუნიციპალიტეტის საკრებულოს კომისიებს დადგენილების პროექტთან „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ დაკავშირებით გააჩნიათ შენიშვნები.

ამდენად, მიზანშეწონილია, ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს.

ზემოთაღნიშნულიდან გამომდინარე:

მუხლი 1.

ქალაქ ფოთის მუნიციპალიტეტის მერის მიერ წარმოდგენილი, საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ შენიშვნებით დაუბრუნდეს ქალაქ ფოთის მუნიციპალიტეტის მერს (ქალაქ ფოთის მუნიციპალიტეტის საკრებულოს კომისიების და ფრაქციების დასკვნები თან ერთვის).

მუხლი 2.

ქალაქ ფოთის მუნიციპალიტეტის მერმა (გ. კურდღელია) აღნიშნული განკარგულების შესრულებასთან დაკავშირებით გაატაროს შესაბამისი ღონისძიებები.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია ხელმოწერისთანავე.

საკრებულოს თავმჯდომარე



ბექა ვაჭარაძე

ქალაქ ფოთის მუნიციპალიტეტის საკრებულო საფინანსო-საბიუჯეტო კომისია

№18

24.11.2020 წ.

დასკვნა

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

1. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 30,0 ათ. ლარით და განისაზღვროს 1789,0 ათ. ლარით, აქედან:

ა) გაიზარდოს ოფისის ხარჯები 11,0 ათ. ლარით და განისაზღვროს 56,0 ათ. ლარით, მათ შორის:

- გაიზარდოს ტელეფონისა და ფაქსის აპარატის შეძენის ხარჯი 0,5 ათ. ლარით და განისაზღვროს 0,5 ათ. ლარით;

- გაიზარდოს გამათბობელი და გამაგრილებელი ტექნიკის ხარჯი 1,0 ათ. ლარით და განისაზღვროს 1,0 ათ. ლარით;

- გაიზარდოს სხვა მცირეფასიანი საოფისე ტექნიკის შეძენასა და დამონტაჟებასთან დაკავშირებული ხარჯები 1,0 ათ. ლარით და განისაზღვროს 1,0 ათ. ლარით;

- გაიზარდოს სხვა მცირეფასიანი საოფისე ინვენტარის შეძენის და დამონტაჟების ხარჯები 3,0 ათ. ლარით და განისაზღვროს 3,0 ათ. ლარით;

- გაიზარდოს რეცხვის, ქიმწმენდის და სანიტარული საგნების შეძენის ხარჯები 1,5 ათ. ლარით და განისაზღვროს 1,5 ათ. ლარით;

- გაიზარდოს საოფისე ტექნიკის, ინვენტარის, მანქანა-დანადგარების მოვლა-შენახვის, ექსპლუატაციისა და მიმდინარე რემონტის ხარჯები 1,0 ათ. ლარით და განისაზღვროს 1,0 ათ. ლარით;

- გაიზარდოს ოფისის ხარჯები, რომელიც არ არის კლასიფიცირებული 3,0 ათ. ლარით და განისაზღვროს 4,5 ათ. ლარით;

ბ) გაიზარდოს სამედიცინო ხარჯები 1,0 ათ. ლარით და განისაზღვროს 1,0 ათ. ლარით;

გ) გაიზარდოს სოციალური ხარჯები 9,0 ათ. ლარით და განისაზღვროს 19,0 ათ. ლარით;

დ) გაიზარდოს არაფინანსური აქტივების ზრდა 9,0 ათ. ლარით და განისაზღვროს 19,0 ათ. ლარით;


მათ შორის:

- ფოტოაპარატის შეძენა - 7,0 ათ. ლარით;

- კონდენციონერი - 2,0 ათ. ლარით.

აქედან გამომდინარე, კომისიას მიზანშეწონილად მიაჩნია, დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს, აღნიშნული შენიშვნებისა და საკრებულოს კომისიებიდან და ფრაქციებიდან შემოსული შენიშვნა-რეკომენდაციების გათვალისწინებით (თან ერთვის).

კომისიის თავმჯდომარე



თორნიკე კირთაძე



საქართველო

ქალაქ ფოთის მუნიციპალიტეტის საკრებულო
ქონების მართვისა და ბუნებრივი რესურსების საკითხების კომისია

№14/40

24 ნოემბერი 2019 წელი

დასკვნა

ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“.

კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე

თ. 

თემურ დუნდუა

საქართველო

ქალაქ ფოთის მუნიციპალიტეტის საკრებულო სივრცით-ტერიტორიული დაგეგმარების და ინფრასტრუქტურის კომისია

№12/16

24 ნოემბერი 2020 წელი

დასკვნა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“.

კომისიას დადგენილების პროექტთან გააჩნია შემდეგი შენიშვნები, კერძოდ:

1. ატრაქციონებისა და ტრენაჟორების შექმნა-მონტაჟს დაემატოს 100 ათასი ლარი (პროგრამული კოდო 02.06.02);
2. ბინათმშენებლობას (მრავალბინიანი საცხოვრებელი კორპუსების საკანალიზაციო ქსელის რეაბილიტაცია) დაემატოს 200 ათასი ლარი (პროგრამული კოდო 02.04);
3. მინი სპორტული მოედნების რეაბილიტაციას დაემატოს 110 ათასი ლარი;
4. კეთილმოწყობის ღონისძიებები (პროგრამული კოდო 02.06):
 - ა) ამოღებულ იქნეს საახალწლო ქალაქგაფორმება - 200 ათასი ლარი;
 - ბ) დაემატოს 50 ათასი ლარი სასაფლაოების მოვლა - პატრონობას (მალთაყვის სასაფლაოს ღობის მოწყობა) (პროგრამული კოდო 02.06.03);
 - გ) დაემატოს ა(ა)იპი „ქალაქ ფოთის მუნიციპალიტეტის სასაფლაოების მოვლა - პატრონობის ცენტრი“-ს 10 ათასი ლარი (პროგრამული კოდო 02.06.03);
 - დ) დაემატოს რკინის ბარიერების შექმნას 10 ათასი ლარი;

შესაბამისი ფინანსური რესურსების არსებობის შემთხვევაში თანხები მიმართული იქნეს ინფრასტრუქტურული საკითხების გადასაწყვეტად.

ზემოაღნიშნულიდან გამომდინარე კომისიამ მიზანშეწონილად მიიჩნია დამატებითი შესწავლის და სრულყოფილად განხილვის მიზნით დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ დაუბრუნდეს ქალაქ ფოთის მუნიციპალიტეტის მერს.

კომისიის თავმჯდომარე



თორნიკე ხარჩილავა

ქალაქ ფოთის მუნიციპალიტეტის საკრებულო სოციალურ საკითხთა კომისია

№ 9/1

24.11.2020 წ.

დასკვნა

ქალაქ ფოთის მუნიციპალიტეტის საკრებულოს სოციალურ საკითხთა კომისიამ განიხილა საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“.

კომისიას წარმოდგენილ დადგენილების პროექტთან დაკავშირებით გააჩნია შენიშვნები. კერძოდ, შევიდეს შემდეგი ცვლილებები:

კულტურული სფეროს განვითარება(05.02.)

კულტურულ ღონისძიებები (ქვეპროგრამის კოდი 05. 02. 02.)

ქალაქის იერსახის გაუმჯობესებისა და მოსახლეობის კულტურული აქტივობის გაზრდის მიზნით მიზანშეწონილად მიგვაჩნია ბიუჯეტში გათვალისწინებულ იქნეს კულტურული ღონისძიება „ კედლის მოხატვა“და იგი დაფინანსდეს--- 10 ათასი ლარით

ამოღებულ იქნეს დაფინანსება

- 1.სცენის მოწყობა- 300 ათასი ლარი
- 2.ზაფხულის დღეები- 40 ათასი ლარი
- 3.ახალგაზრდობის საერთაშორისო დღე -14 ათასი ლარი
- 4.შობა-ახალი წელი-40 ათასი ლარი
5. ბავშვთა თეატრალური ფესტივალი- 8 ათასი ლარი

სპორტის სფეროს განვითარება(05.01.)

ახალგაზრდული და სპორტული ღონისძიებები (ქვეპროგრამის კოდი 05. 01.02.)

ამოღებულ იქნეს დაფინანსება

1. შეჯიბრი პლიაჟის ფეხბურთში-5 ათასი ლარი
2. ეკოტურისტული ბანაკის მოწყობა -12 ათასი ლარი

პროგრამაში(05.01.02) ღონისძიების დასახელება ფოთის საზღვაო კარიბჭე შეიცვალოს შემდეგი სახელწოდებით „ ქალაქის დღე“ აღნიშნული ღონისძიება რომელიც დაფინანსებული იყო 32 ათასი ლარით, შემცირდეს 12 ათასი ლარით და დაფინანსდეს 20 ათასი ლარით.

გაიზარდოს

1.აიპ „არჩილ ხორავას სახელობის სკოლისგარეშე სახელოვნებო სასწავლებლის“ ხელშეწყობა (ქვეპროგრამის კოდი 05.02.01.02.)--10 ათასი ლარით. მუსიკალური ინსტრუმენტის შეძენის მიზნით

2.აიპ „მოსწავლე ახალგაზრდობის შემოქმედებითი ცენტრის“ ხელშეწყობა (ქვეპროგრამის კოდი 05.02.01.03.)--10 ათასი ლარით. მუსიკალური ინსტრუმენტის შეძენის მიზნით

გაიზარდოს

1. სოციალური დაცვა (კოდი 06. 04.) -- 40 ათასი ლარით. შეჭირვებული მოსახლეობის შეშით უზრუნველყოფისათვის.

შესაბამისი ფინანსური რესურსების არსებობის შემთხვევაში თანხები მიმართულ იქნას სოციალური ჯანმრთელობის დაცვის კულტურული სპორტისა და განათლების საკითხების გადასაწყვეტად.

სოციალურ საკითხთა კომისიის თავმჯდომარე



ბაქარ ერაგია

ს ა ქ ა რ თ ვ ე ლ ო

ქალაქ ფოთის მუნიციპალიტეტის საკრებულო

იურიდიულ, სამანდატო, საპროცედურო საკითხთა და ეთიკის კომისია

N14/1

24 ნოემბერი 2020 წელი

დასკვნა

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიამ განიხილა ქალაქ ფოთის მუნიციპალიტეტის მერის მიერ წარმოდგენილი საკრებულოს დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“.

ზემოხსენებულ საკითხთან დაკავშირებით კომისიამ დაადგინა:

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ა“ ქვეპუნქტის, 24-ე მუხლის პირველი პუნქტის „დ.ა“ ქვეპუნქტის, 54-ე მუხლის პირველი პუნქტის „გ.ა“ ქვეპუნქტის, საქართველოს კანონის „საქართველოს საბიუჯეტო კოდექსის“ 77-ე და 78-ე მუხლების შესაბამისად, საკრებულო უფლებამოსილია მიიღოს „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ საკრებულოს დადგენილების პროექტი (შემდგომში - დადგენილების პროექტი).

ამასთანავე, კომისიას გააჩნია გარკვეული შენიშვნები წარმოდგენილ სამართლებრივი აქტის პროექტთან დაკავშირებით, კერძოდ:

1. დადგენილების პროექტის პრეამბულაში სიტყვების: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი ნაწილის „დ.ა“ ქვეპუნქტის“ ნაცვლად უნდა იყოს მითითებული სიტყვები: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტის“, ვინაიდან, „ნორმატიული აქტების შესახებ“ საქართველოს ორგანული კანონის მე-16 მუხლის მე-7 პუნქტის შესაბამისად, ორგანულ კანონში მუხლები იყოფა პუნქტებად და არა ნაწილებად. თვალსაჩინოებისთვის შეგიძლიათ იხილოთ საქართველოს ორგანული კანონის „ადგილობრივი თვითმმართველობის კოდექსი“ მე-4 მუხლის პირველი პუნქტის „გ“

ქვეპუნქტი, მე-10 მუხლის მე-4 პუნქტი და სხვა, სადაც მითითებითი ნორმის აღნიშვნისას გამოყენებულია ტერმინი „პუნქტი“ და არა ტერმინი „ნაწილი“.

2. დადგენილების პროექტის პრეამბულაში უნდა მიეთითოს „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტი, ვინაიდან, დადგენილების პროექტით ძალადაკარგულად ცხადდება „ქალაქ ფოთის მუნიციპალიტეტის 2020 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2019 წლის 25 დეკემბრის №29/31 დადგენილება, ამასთანავე, „ნორმატიული აქტების შესახებ“ საქართველოს ორგანული კანონის მე-16 მუხლის მე-2 პუნქტის შესაბამისად, ნორმატიული აქტის პრეამბულაში მითითებული უნდა იყოს, თუ რომელი ნორმატიული აქტის შესასრულებლად გამოიცა იგი. აქვე აღსანიშნავია, რომ საქართველოს კანონის „საქართველოს საბიუჯეტო კოდექსი“ 78-ე მუხლის შესაბამისად, განსაზღვრულია მუნიციპალიტეტის ბიუჯეტის დამტკიცების პროცედურა. ამდენად, მიზანშეწონილია დადგენილების პროექტის პრეამბულა ჩამოყალიბდეს შემდეგი რედაქციით: „საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი პუნქტის „დ.ა“ ქვეპუნქტის, 91-ე მუხლის, „ნორმატიული აქტების შესახებ“ საქართველოს ორგანული კანონის მე-20 მუხლისა და 25-ე მუხლის პირველი პუნქტის „ბ“ ქვეპუნქტის, საქართველოს კანონის „საქართველოს საბიუჯეტო კოდექსი“ 78-ე მუხლის შესაბამისად, ქალაქ ფოთის მუნიციპალიტეტის საკრებულო ადგენს,.....“.
3. დადგენილების პროექტში (პროგრამის დასახელება-გარე განათება-კოდი 02.02.) პროგრამის განმახორციელებელ სამსახურებად არის მითითებული: ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური, ა(ა)იპ „ქალაქ ფოთის მუნიციპალიტეტის სერვისების ცენტრი“, მაგრამ პროგრამაში არ არის გაშიფრული ზემოხსენებული სამსახურები თუ, რა ღონისძიებებს ასრულებენ ცალ-ცალკე , ე.ი რა ღონისძიებას ასრულებს ა(ა)იპ „ქალაქ ფოთის მუნიციპალიტეტის სერვისების ცენტრი“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური.საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად,

ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული პროგრამის (პროგრამის დასახელება-გარე განათება-კოდი 02.02.) შესაბამისად, თუ, რა ღონისძიებას ასრულებს ა(ა)იპ „ქალაქ ფოთის მუნიციპალიტეტის სერვისების ცენტრი“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური.

4. დადგენილების პროექტში (პროგრამის დასახელება- სანიაღვრე არხებისა და სატუმბო სადგურების მშენებლობა, რეაბილიტაცია და ექსპლოატაცია-კოდი 02.03.) პროგრამის განმახორციელებელ სამსახურებად არის მითითებული: ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური, ა(ა)იპ „ქალაქ ფოთის მუნიციპალიტეტის მელიორაცია“, მაგრამ პროგრამაში არ არის გაშიფრული ზემოხსენებული სამსახურები თუ, რა ღონისძიებებს ასრულებენ ცალ-ცალკე, ე.ი რა ღონისძიებას ასრულებს ა(ა)იპ „ქალაქ ფოთის მუნიციპალიტეტის მელიორაცია“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული პროგრამის (პროგრამის დასახელება-სანიაღვრე არხებისა და სატუმბო სადგურების მშენებლობა, რეაბილიტაცია და ექსპლოატაცია-კოდი 02.03.) შესაბამისად, თუ, რა ღონისძიებას ასრულებს ა(ა)იპ „ქალაქ ფოთის მუნიციპალიტეტის მელიორაცია“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური.
5. დადგენილების პროექტის (პროგრამის დასახელება- ბინათმშენებლობა-კოდი 02.04.) პროგრამის განმახორციელებელ სამსახურებად არის მითითებული: ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური, ა(ა)იპ „ქალაქ ფოთის მუნიციპალიტეტის სერვისების ცენტრი“, მაგრამ პროგრამაში არ არის გაშიფრული ზემოხსენებული სამსახურები

თუ, რა ღონისძიებებს ასრულებენ ცალ-ცალკე, ე.ი რა ღონისძიებას ასრულებს ა(ა)იპ „ქალაქ ფოთის მუნიციპალიტეტის სერვისების ცენტრი“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა იქნეს მითითებული პროგრამის (პროგრამის დასახელება- ბინათმშენებლობა -კოდი 02.04.) შესაბამისად, თუ, რა ღონისძიებას ასრულებს ა(ა)იპ „ქალაქ ფოთის მუნიციპალიტეტის სერვისების ცენტრი“ და რა ღონისძიებას ასრულებს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახური.

6. დადგენილების პროექტის ქვეპროგრამის (ქვეპროგრამის დასახელება- ფენილკეტონურიით და ცელიაკით დაავადებულთა (18 წლამდე ასაკის) კვებითი დანამატებით უზრუნველყოფა-კოდი 06. 02. 06.) პროგრამის შესაბამისად, დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის სხდომაზე. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ვ“ ქვეპუნქტის შესაბამისად, მერი მისი უფლებამოსილებისთვის მიკუთვნებული ცალკეული საკითხების შესასწავლად, შესაბამისი დასკვნებისა და რეკომენდაციების მოსამზადებლად ქმნის სათათბირო ორგანოს -სამუშაო ჯგუფს, ე.ი ზემოხსენებული ნორმის შესაბამისად, სამუშაო ჯგუფის ფუნქციაა ცალკეული საკითხების შესწავლა, შესაბამისი დასკვნებისა და რეკომენდაციების მომზადება, ხოლო საკითხზე გადაწყვეტილება უნდა მიიღოს მერმა, ამდენად, ზემოხსენებული ნორმის თანახმად, პროგრამის შესაბამისად, დაფინანსებაზე გადაწყვეტილებას სამუშაო ჯგუფი ვერ მიიღებს. მიზანშეწონილია პროგრამაში სიტყვები: „დაფინანსებაზე გადაწყვეტილება

მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის სხდომაზე...“ შეიცვალოს სიტყვებით: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერის ბრძანებით, სამუშაო ჯგუფის დასკვნის ან სხდომის ოქმის საფუძველზე.“

7. დადგენილების პროექტის ქვეპროგრამის (ქვეპროგრამის დასახელება- კოხლეთის იმპლანტი მოსარგებლე ბენეფიციართა დახმარება-კოდი 06. 02. 07.) შესაბამისად, დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის მიერ. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ვ“ ქვეპუნქტის შესაბამისად, მერი მისი უფლებამოსილებისთვის მიკუთვნებული ცალკეული საკითხების შესასწავლად, შესაბამისი დასკვნებისა და რეკომენდაციების მოსამზადებლად ქმნის სათათბირო ორგანოს -სამუშაო ჯგუფს, ე.ი ზემოხსენებული ნორმის შესაბამისად, სამუშაო ჯგუფის ფუნქციაა ცალკეული საკითხების შესწავლა, შესაბამისი დასკვნებისა და რეკომენდაციების მომზადება, ხოლო საკითხზე გადაწყვეტილება უნდა მიიღოს მერმა, ამდენად, ზემოხსენებული ნორმის თანახმად, პროგრამის შესაბამისად, დაფინანსებაზე გადაწყვეტილებას სამუშაო ჯგუფი ვერ მიიღებს. მიზანშეწონილია პროგრამაში სიტყვები: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის მიერ.“ შეიცვალოს სიტყვებით: „დაფინანსებაზე გადაწყვეტილება მიიღება ქალაქ

ფოთის მუნიციპალიტეტის მერის ბრძანებით სამუშაო ჯგუფის დასკვნის ან სხდომის ოქმის საფუძველზე.“

8. დადგენილების პროექტის ქვეპროგრამაში (ქვეპროგრამის დასახელება-დაწყებითი კლასის მოსწავლეთა პროფილაქტიკური გამოკვლევა -კოდი 06. 02. 08.) არ არის გაწერილი პროგრამის განხორციელების მექანიზმი. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა მიეთითოს ქვეპროგრამის განხორციელების მექანიზმი, კერძოდ: ქვეპროგრამაში უნდა მიეთითოს შემდეგი წინადადება: „ქვეპროგრამით გათვალისწინებულ ღონისძიებებს განხორციელებს „სახელმწიფო შესყიდვების შესახებ“ საქართველოს კანონის თანახმად, შერჩეული ლიცენზირებული /შესაბამის უფლებამოსილების მქონე პირი“.
9. დადგენილების პროექტის ქვეპროგრამაში (ქვეპროგრამის დასახელება-თავშესაფრის გარეშე დარჩენილი ოჯახების დროებითი საცხოვრებელი ბინის ქირით უზრუნველყოფის პროგრამა-კოდი 06. 04. 22.) არ არის მითითებული თუ, ვინ იღებს ბენეფიციარების დაფინანსებაზე გადაწყვეტილებას. საქართველოს საბიუჯეტო კოდექსის მე-4 მუხლის პირველი პუნქტის „ბ“ ქვეპუნქტის თანახმად, საქართველოს საბიუჯეტო სისტემის ძირითადი პრინციპია გამჭვირვალობა. ამდენად, ზემოხსენებული კანონის შესაბამისად, საჯაროობისა და საბიუჯეტო სისტემის გამჭვირვალობიდან გამომდინარე, დადგენილების პროექტში ზუსტად უნდა მიეთითოს ის პირი თუ, ვინ იღებს გადაწყვეტილებას ბენეფიციარების დაფინანსებაზე. კერძოდ: ქვეპროგრამაში უნდა მიეთითოს შემდეგი წინადადება: „ბენეფიციარების დაფინანსებაზე გადაწყვეტილებას ღებულობს ქალაქ ფოთის მუნიციპალიტეტის მერი -ინდივიდუალურ სამართლებრივი აქტის-ბრძანების საფუძველზე.“.
10. პროგრამის 27-ე მუხლში სიტყვები: „ქალაქ ფოთის მუნიციპალიტეტის ადგილობრივი თვითმმართველი ერთეულის ბიუჯეტის“, უნდა შეიცვალოს სიტყვებით: „ქალაქ ფოთის მუნიციპალიტეტის ბიუჯეტი“, ვინაიდან, საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის

მე-2 პუნქტის „ა“ ქვეპუნქტი და სხვა მუხლები ითვალისწინებენ ტერმინს „მუნიციპალიტეტის ბიუჯეტი“ და არა ტერმინს „ქალაქ ფოთის მუნიციპალიტეტის ადგილობრივი თვითმმართველი ერთეულის ბიუჯეტი“.

11. პროგრამის 35-ე მუხლის პირველი პუნქტის „ბ“ ქვეპუნქტში სიტყვები: „სამხედრო სარეზერვო სამსახურის შესახებ“ საქართველოს კანონით“ უნდა შეიცვალოს სიტყვებით: „თავდაცვის ძალების რეზერვისა და სამხედრო სარეზერვო სამსახურის შესახებ“ საქართველოს კანონით“, ვინაიდან, „სამხედრო სარეზერვო სამსახურის შესახებ“ საქართველოს კანონი ძალადაკარგულად გამოცხადდა „თავდაცვის ძალების რეზერვისა და სამხედრო სარეზერვო სამსახურის შესახებ“ საქართველოს კანონის 28-ე მუხლის პირველი პუნქტით.

ამდენად, კომისიას მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

იურიდიულ, სამანდატო, საპროცედურო

საკითხთა და ეთიკის კომისიის თავმჯდომარე



ხვიჩა ცხვიტარია

ქალაქ ფოთის მუნიციპალიტეტის საკრებულო

ფრაქცია „ქართული ოცნება“

N2

17 ნოემბერი 2020 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის პრიორიტეტების დოკუმენტი.

ფრაქცია „ქართული ოცნება“ იწონებს კომისიების მიერ გამოთქმულ წინადადებებს და შენიშვნებს, განსაკუთრებულად გამოყოფს შემდეგი ხასიათის წინადადებებს. კერძოდ:

1. ატრაქციონებისა და ტრენაჟორების შექმნა-მონტაჟს დაემატოს 100 ათასი ლარი (პროგრამული კოდი 02.06.02)
2. ბინათმშენებლობას (მრავალბინიანი საცხოვრებელი კორპუსების საკანალიზაციო ქსელის რეაბილიტაცია) დაემატოს 200 ათასი ლარი (პროგრამული კოდი 02.04.)
3. მინი სპორტული მოედნების რეაბილიტაციას დაემატოს 110 ათასი ლარი.
4. სოციალური დაცვა - მოსახლეობის შეშით უზრუნველყოფისათვის დაემატოს 40 ათასი ლარი (პროგრამული კოდი 06.04.)
5. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 30,0 ათ. ლარით და განისაზღვროს 1789,0 ათ. ლარით.
6. დადგენილების პროექტის ქვეპროგრამის (ქვეპროგრამის დასახელება- ფენილკეტონურიით და ცელიაკით დაავადებულთა (18 წლამდე ასაკის) კვებითი დანამატებით უზრუნველყოფა- კოდი 06. 02. 06.) პროგრამის შესაბამისად, დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის სხდომაზე. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ვ“ ქვეპუნქტის შესაბამისად, მერი მისი უფლებამოსილებისთვის მიკუთვნებული ცალკეული საკითხების შესასწავლად, შესაბამისი დასკვნებისა და რეკომენდაციების მოსამზადებლად ქმნის სათათბირო ორგანოს -სამუშაო ჯგუფს, ე.ი ზემოხსენებული ნორმის

შესაბამისად, სამუშაო ჯგუფის ფუნქციაა ცალკეული საკითხების შესწავლა, შესაბამისი დასკვნებისა და რეკომენდაციების მომზადება, ხოლო საკითხზე გადაწყვეტილება უნდა მიიღოს მერმა, ამდენად, ზემოხსენებული ნორმის თანახმად, პროგრამის შესაბამისად, დაფინანსებაზე გადაწყვეტილებას სამუშაო ჯგუფი ვერ მიიღებს. მიზანშეწონილია პროგრამაში სიტყვები: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის სხდომაზე...“ შეიცვალოს სიტყვებით: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერის ბრძანებით, სამუშაო ჯგუფის დასკვნის ან სხდომის ოქმის საფუძველზე.“

7. დადგენილების პროექტის ქვეპროგრამის (ქვეპროგრამის დასახელება- კოხლეარული იმპლანტით მოსარგებლე ბენეფიციართა დახმარება-კოდი 06. 02. 07.) შესაბამისად, დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის მიერ. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ვ“ ქვეპუნქტის შესაბამისად, მერი მისი უფლებამოსილებისთვის მიკუთვნებული ცალკეული საკითხების შესასწავლად, შესაბამისი დასკვნებისა და რეკომენდაციების მოსამზადებლად ქმნის სათათბირო ორგანოს -სამუშაო ჯგუფს, ე.ი ზემოხსენებული ნორმის შესაბამისად, სამუშაო ჯგუფის ფუნქციაა ცალკეული საკითხების შესწავლა, შესაბამისი დასკვნებისა და რეკომენდაციების მომზადება, ხოლო საკითხზე გადაწყვეტილება უნდა მიიღოს მერმა, ამდენად, ზემოხსენებული ნორმის თანახმად, პროგრამის შესაბამისად, დაფინანსებაზე გადაწყვეტილებას სამუშაო ჯგუფი ვერ მიიღებს. მიზანშეწონილია პროგრამაში სიტყვები: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერიის ჯანმრთელობის და სოციალური დაცვის

სამსახურთან არსებული „ქალაქ ფოთის მუნიციპალიტეტის ადგილობრივი ბიუჯეტით გათვალისწინებული მოსახლეობის ჯანმრთელობის დაცვისა და სოციალური უზრუნველყოფის (პროგრამული კოდი 06 02) პროგრამებით გათვალისწინებული დახმარებების გაცემის მიზნით“ შექმნილი სამუშაო ჯგუფის მიერ.“ შეიცვალოს სიტყვებით: „დაფინანსებაზე გადაწყვეტილება მიიღება ქალაქ ფოთის მუნიციპალიტეტის მერის ბრძანებით სამუშაო ჯგუფის დასკვნის ან სხდომის ოქმის საფუძველზე.“

ამდენად ქალაქ ფოთის მუნიციპალიტეტის საკრებულოს ფრაქცია „ქართული ოცნებას“ მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

ფრაქციის თავმჯდომარე



სამსონ კუტალია

ქალაქ ფოთის მუნიციპალიტეტის საკრებულო ფრაქცია „ქართული ოცნება-კონსერვატორები“

N2

17 ნოემბერი 2020 წ.

დასკვნა

ქალაქ ფოთის მუნიციპალიტეტის საკრებულოს ფრაქციამ „ქართული ოცნება-კონსერვატორებმა“ ფრაქციის სხდომაზე განიხილა დადგენილების პროექტი „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ და ქალაქ ფოთის მუნიციპალიტეტის პრიორიტეტების დოკუმენტი.

ფრაქცია „ქართული ოცნება-კონსერვატორები“ იწონებს კომისიების მიერ გამოთქმულ წინადადებებს და შენიშვნებს, განსაკუთრებულად გამოყოფს შემდეგი ხასიათის წინადადებებს. კერძოდ:

1. ატრაქციონებისა და ტრენაჟორების შექმნა-მონტაჟს დაემატოს 100 ათასი ლარი (პროგრამული კოდი 02.06.02)
2. ბინათმშენებლობას (მრავალბინიანი საცხოვრებელი კორპუსების საკანალიზაციო ქსელის რეაბილიტაცია) დაემატოს 200 ათასი ლარი (პროგრამული კოდი 02.04.)
3. მინი სპორტული მოედნების რეაბილიტაციას დაემატოს 110 ათასი ლარი.
4. ქალაქ ფოთის მუნიციპალიტეტის საკრებულოს ხარჯები (კოდი 01 01) გაიზარდოს 30,0 ათ. ლარით და განისაზღვროს 1789,0 ათ. ლარით.

ამდენად ქალაქ ფოთის მუნიციპალიტეტის საკრებულოს ფრაქცია „ქართული ოცნება-კონსერვატორებს“ მიზანშეწონილად მიაჩნია ზემოხსენებული შენიშვნების გათვალისწინების მიზნით საკრებულოს დადგენილების პროექტი დაუბრუნდეს მერს.

ფრაქციის თავმჯდომარე



ზვიადი დგებუაძე